

ընկած է թիրիքեարտը. դա մի փոքրիկ գիւղ է, փուլած բանաստեղծական ձորի մէջ, որ ամբողջապէս շրջապատւած է քառակուսի հողէ պարսպով, որն ունի միայն մի դուռ: Ահա այդ պարսպի մօտ գտնուում է սառնորակ մի աղբիւր. դա գիւղի զարդն է, որը շնորհիւ իր առատ ջրի մի փոքրիկ առու է կազմում և ուրապտոյտ հոսելով ուղղում է Թիրիքեարտի արտերը, որոնք փուլած են գիւղին կից:

Հողատիրութեան ձևը խանական է. պատկանում է Հօճարը Աղուլի խանին. գիւղացիները մշակում են նրա հողը և բերքի  $\frac{1}{3}$  մասը տալիս են նրան, բացի այդ օտարեկան վճարում են.

Մարդազուրի 5 զոան. Չորս ոչխարին 2 զոան.

Կովին 3 » Էշին 3 »

Հայերի այստեղ հաստատուելը 20—30 տարւայ պատմութիւն է: Այժմ հայ ընտանիքների թիւը հասնում է 25-ի՝ 183 բնակչով, որի 98-ը արական է և 85-ը իգական: Գիւղի եկեղեցին է Ս. Յովհաննէս. դպրոց չկայ:

Հայերն այստեղ համեմատաբար աւելի բարեկեցիկ վիճակի մէջ են և ազատ կեղեքումներից և հարստահարութիւններից:

№	Կ Ա Ր Գ Ե Ր	Շունչ
1	Աղբատ . . . . .	20
2	Չունետր . . . . .	40
3	Միջակ . . . . .	90
4	Ունետր . . . . .	33
5	Հարուստ . . . . .	--
	Ընդամենը	183

### Խ Օ Ջ Ի - Ղ Ա Լ Ա

Այս փոքրիկ գիւղը գտնուում է Թիրիքեարտից դէպի արևմուտք, մէկուկէս ֆարսախ հեռու, սարի լանջին, մի ընդարձակ դաշտի վրայ: Գիւղը բաւական գեղեցիկ գիրք ունի, շրջապատւած է սիրուն ծառուղիներով: Ազգաբնակչութիւնը բաղկացած է 15 տնից 75 շնչով, որի 43-ը արական է և 32-ը իգական: Նրանք գաղթել են Հին—Ջուղայից 1606